

流沙墜蘭

上寸薄厚廣狹好醜長短

右古字書全簡一斷簡三存字四十有一第二簡第一字僅辨偏旁其完全可識者計得四十字再三審諦知是蒼頡篇攷漢書藝文志小學類蒼頡一篇注上七章秦丞相李斯作爰歷六章車府令趙高作博學七章太史令胡毋敬作志又言漢閣里書師合蒼頡爰歷博學三篇斷六十字為一章凡五十五章並為蒼頡篇又曰元始中徵天下通小學者以百數令記字于庭揚雄取其有用者以作訓纂篇順續蒼頡又易蒼頡中重複之字凡八十九章臣復續揚雄作十三章凡一百三章無復字六藝群書所載畧備矣韋昭注臣班固自謂也作十三章後人不別疑在蒼頡下篇三十四章中段氏玉裁說文解字注雄所作訓纂凡三十四章二千四十字合蒼頡五十五章三千三百字凡八十九章五千三百四十字也班但言章數許君謂蒼頡以下凡五千三百四十字則但言字數而數實相合自揚雄作訓纂以後班固作十三篇和帝永元中郎中賈魴又作滂熹篇梁庾元威云蒼頡五十五章為上卷揚雄作訓纂記滂熹為中卷賈升郎更續記彥均為下卷

段氏又曰揚雄訓纂終于滂熹二字賈魴用此二字為篇目而終于彥均二字人稱三故庾氏云揚記滂熹賈記彥均隋志云揚作訓纂賈作滂熹其實一也

蒼云云蓋在漢世既以爰歷博學併入李斯書總稱蒼頡後又加入揚雄班固賈

魴三家而稱三蒼亦仍稱之曰蒼頡觀韋昭注班固所著十三章疑在蒼頡下篇中語可知也秦漢間字書約有二系一以七字為句一以四字為句以七字為句者凡將急就今凡將雖佚而說文解字口部引司馬相如說淮南宋蔡邕旁喻殆即凡將之文又文選蜀都賦注引黃潤鮮美宜製禪藝文類聚樂部引鍾磬笙竽筑坎侯皆七字為句乃急就所自昉唐顏師古急就篇序謂司馬相如作凡將篇史游擬而廣之其語必有所受此一系也以四字為句者為蒼頡訓纂諸家班氏謂蒼頡斷六十字為一章段氏謂自蒼頡至彥均章皆六十字凡十五句句為四字許引幼子承詔郭注爾雅引考妣延年是也云云今攷顏氏家訓書證篇又引蒼頡漢兼天下海內并厠蹄黥韓覆叛討殘滅四句均蒼頡四字為句之確證孝經邢疏蒼頡篇謂患為禍孔孔鄭韋王之學引之以證此經此四字亦疑蒼頡本文至公羊定四年傳注同門曰朋同志曰友解云出蒼頡篇則恐出蒼頡訓纂反蒼頡故非原書矣段謂訓纂滂熹均四字為句今雖無明徵然以章數字數攷之知其必爾況班氏明言雄作訓纂續蒼頡臣復續雄既相屬續其仍蒼頡句例可以斷言此又一系也今此諸簡第一簡五句第二簡存二句並四字為句有韻可尋其第三簡雖不能知其韻然四字為句而非七言則昭章可見且攷第一簡凡

五句廿字合三簡則得十五句六十字正為一章若以三棱之柢寫之則一柢正得一章與班史所記適合則此簡之為蒼頡殆無疑矣國朝任孫諸家采輯古籍所引蒼頡篇所得皆單字罕有成文句者此雖僅存四十言然均文句相属恨任孫諸家不得見也簡中諸字多見於說文解字中惟廔字則無說文有蟹字訓蟹

冊

句下色也廔殆蟹之別構又廔

簡文作廔从广从典广即广之省典即典

字說文作殃他字書亦無

从广作者殆亦殃之別構又第三簡之微亦不見說文及諸家字書唯集韻一屋載之注音連山名山海經東山之首曰微蟲然僅存其音已失其義今觀此簡列之狸鼪之間其字為犬旁作當是犬類之獸名今本山海經又譌微為微則并字形亦失之賴此簡得存此字之本義也又第四簡廣狹之狹作俠亦用通假字

急就篇第一

木簡出敦十五甲長三百六十米里適當後面廣二十九米里適當斜削前面上端交角處上書第一兩字兩字中間有穿

急就奇觚與眾異羅列諸物名姓字分別部居不雜廁

第一

用日約少誠快意勉力務之必有意請道其章宋延年

鄭子方衛益壽史步昌周千秋趙揚卿爰展世高辟吳

又第二

木簡出敦六兩皆尚有急就篇中諸字乃兒童習字所為不錄此簡沙氏書未記脩廣之數以後凡不記脩廣者皆沙書原缺者也

董奉德桓賢良任逢時侯中郎由廣

缺下

又第十木觚出敦二十此觚似

上缺十字 席檐下缺十

上缺十字 印角裾下缺十

又第十二木簡出敦二十

第十二銅鍾鼎鉞銷匝鈹釭銅鍵鈗冶銅鑄下

又第十八木觚出敦二十長一百六十三米里適當後面廣十五米里

上缺二字 蓋轅鞞鞞危縛棠總勒鞅鞅

上缺二字 猶黑蒼室宅廬舍樓壁堂

又第二十四木簡出敦十五甲長九十米

嘉夫茲以下漫滅

右急就篇第一第十第十二第十八第二十四凡五章唯第一章完好餘皆殘斷

其存字除篇目外計得金字一百十有九半字一取以校皇象本趙文敏臨靈顏

師古注本玉海附刊王伯厚補注本則此簡與二本互有得失第一章勉力務之必有意願本

意作喜趙孺卿顏本孺作儒孺為孺之別字漢人書从需之字多別作孺皇本則

皆與此同爰展世皇本展作展顏本作展草書尸作尸改為正書則作尸刊本既

改章草為正楷則自應作尸不作丿非有殊異展本从夂顏本作以乃傳繕誤也

第二章戾中郎皇顏二本中並作仲中仲古今字第十八章蓋轅輶輶尼縛棠皇

本輶輶作輶輶顏本作輶輶此簡二字皆从革旁作蓋漢代別字也顏本尼作輶

注一作輶皇本作尼

趙臨本缺此字王伯厚云碑本作尼

與此同即說文之輶顏本非也輶輶輶輶

□□□皇本上四字作輶輶輶輶顏本則作輶輶輶輶與此正同輶字皇本作輶

此簡作輶皆漢人別構

周憬功德銘輶字作輶夏承碑作輶同此

其正字古文作輶小篆及楷書作輶

乃由輶而譌也□□□猶黑蒼猶顏本作油皇本與此同油猶同音相假借也

室宅廬舍樓壁堂壁顏本作殿皇本與此同均於殿下增土乃漢時俗作

見西嶽華山廟

碑周公禮殿記堯廟碑

由是觀之知古人寫書多隨意用世俗通行之字雖字書且然不似

後人點畫之嚴矣此簡第一第十第十八三章均書於觚上觚之形製古說不一

通俗文木四方為棧八棧為觚

觚觚二字並見說文一訓酒器一訓觚棧然古多通用

史記酷吏傳索隱引

應劭云觚八棧有隅者顏師古注急就篇云觚形或六面或八面皆可書觚者棧

也皆以六面或八面釋觚今之所見乃為三面異於前聞惟說文觚棧也觚棧殿

堂上最高之處也徐鍇引字書三棧為觚以三棧為觚僅此一見又班固兩都賦

上觚棧而棲金爵今中州新出漢畫石刻圖函谷關東門畫兩爵分棲兩觀屋脊

知椽椽者蓋謂上自屋脊下訖前後簷際以次斜削正成三角形作書之觚與椽
椽之椽其形正同椽以三椽為初形初義故傳世古代酒器之觚亦皆為三廉其
後由三椽而六而八寢失厥初此孔子所為嘆觚不觚歟又觚前人又釋為方漢
書酷吏傳注觚方也後漢杜林傳注觚亦方也文選文賦注觚木之方者古人用
之以書猶今簡也聘禮記不及百名書於方中庸文武之政布在方策注皆云方
版也又以方為版與觚迥異初不能決其得失茲觀此觚為三廉狀上二面略狹
下面則較廣明為方柱形之半從方柱之兩頂角削而為二則為兩觚故三面之
之中二狹而一廣又觀觚上有穿明為聯屬之用初由一方而斯為二觚復以二
觚聯為一方古方字又訓並淮南記論訓乃為窬木方版注方並也後漢書馬融
傳蔡邕傳注方猶並也國語方每設附注方并也蓋并則為方析則為椽本是一
物然不由目驗則千餘年之疑未由取決也又記謂不及百名書於方則椽者所
以記簡短之文故證之諸簡皆以一章為一椽然不必悉滿其三面此簡唯第一
章滿書三面故每行二十一字三面共得六十三字而滿一章第十第十八兩觚
以簡中存字之行列校以急就之文知第十觚每行為三十二字第一行為滿行
第二行則空行末一字已得六十三字第十八章亦然是以兩面書一章而空其

下面也蓋下面著席覆視不便但書兩面則不需轉移之勞且聯而為方則四面宛轉成文又可以立而讀之此又前記所未詳亦質諸目驗而始知之者也

術數類

力牧 木簡出敦十八長一百十一米里邁當廣八米里邁當

上 缺 □ 已不聞者何也 力墨封曰官

又 此簡出敦十五甲沙氏書僅存釋文未印原簡茲但據沙氏書錄之

黃帝 沙氏釋肅依文理 問 □ □ □ 案文義當是 曰官毋門者何也 □ □ 案文義當為觀之當為帝字 於力墨三字 力墨二字

右第一簡僅辨十一字玩其文乃力牧篇也漢書藝文志兵家有力牧十五篇注

黃帝臣依託也 子部道家亦有力牧二十二篇今此簡力牧古書或作力墨聖賢得之塞上則為兵家而非道家可知也

群輔錄引論語摘輔象黃帝七輔州選舉翼佐帝德風后受金法天老受天籙五

聖受道級知命受紂俗窺紀受變復地典受州絡力墨受準斥宋均注準斥月事

也力墨或作力牧 太平御覽八十二引詩含神霧大禹之興黑風會紀注黑其書力黑風風后皆黃帝臣伯禹當其至也力黑即力墨之譌

設為問答託之黃帝與力牧雖班氏斥為依託然千餘年久佚之秘籍雖僅存數

字然藉以窺知體例仍可寶也第二簡文理與前簡正合其為一書無疑故並錄

焉此書漢志列入兵家陰陽然班氏之言曰陰陽者順時而發推刑德隨斗繫因

木簡出敦六乙長三百六十
米里邁當廣十米里邁當

五

廿八日戌辛 卯建酉辛 寅庚申庚己 丑己未己戊 子戊午戊丁 亥建丁己 戌丁亥

廿日 巳癸辰壬辛 卯辛寅庚己 丑己未己戊 子戊午戊丁 亥建丁己 戌丁亥

右歷譜殘簡十五由一日至廿日中缺第二三四七十八二十四十七十八言沙氏
八日一簡但存丑字及未字餘均漫滅故未影印 十九廿一廿四廿六廿七廿九凡十五簡具載十二月

中由朔至晦每日干支為譜橫讀之沙氏考為元康三年歷案漢自武帝太初元
年訖章帝元和二年皆用太初術依術推之是年每月朔望大小盡均與簡合沙

氏所考是也

神爵三年歷譜木簡出敦六乙長二
百三十米里邁當

七日申戌丁 丑丁未丁丙 子丙午丙乙 亥乙己乙甲 戌甲辰甲癸 酉癸

戊午二字在牘背沙氏書未印

八日酉巳戌 寅戌申戌丁 丑丁立夏未丁丙 子丙午丙乙 亥乙己乙甲 戌甲辰甲癸 酉癸

丁巳背

□□□□ 寅戌申戌丁 丑丁未丁丙 子丙午丙乙 亥乙己乙甲 戌甲辰甲癸 酉癸

丙辰背

十七日午戌丁 亥丁巳丁丙 戌丙辰丙乙 酉乙卯乙甲 申甲寅甲癸 丑癸未癸

戊申背

十八日未巳

子戊

午戊

亥丁

巳丁

戌丙

辰丙

酉乙

卯乙

酉乙

寅甲

申甲

十九日申庚

丑巳

未巳

子戊

午戊

亥丁

巳丁

戌丙

辰丙

戌丙

卯乙

酉乙

丙午背

廿四日丑乙

午甲

子甲

巳癸

亥癸

辰壬

戌壬

卯辛

酉辛

卯辛

申庚

寅庚

辛丑背

廿五日寅丙

未乙

丑乙

午甲

子甲

巳癸

亥癸

辰壬

戌壬

□□

□□

□□

庚子背

廿六日卯丁

申丙

寅丙

未乙

丑乙

午甲

子甲

巳癸

亥癸

巳癸

戌壬

辰壬

己亥背

廿八日巳巳

戌戌

辰戌

酉丁

卯丁

申丙

寅丙

未乙

丑乙

未乙

子甲

午甲

丁酉背

廿日

子庚

亥巳

戌戌

酉丁

卯丁

寅丙

閏月丙申朔大背

右歷譜存者七日至卅日十一簡佚者十九簡沙氏考為神爵三年歷今依太初

術攷之是年每月朔及大小盡與簡正合沙氏所考是也是年閏十二月故各簡背分記閏月每日干支沙氏書未影照茲據沙氏釋文錄之又此歷雖存十一簡其中廿四及卅日二簡亦未影照均據沙氏釋文入錄

五鳳元年八月歷譜 出敦六乙

簡面	八月	丁亥	小	丁戌己庚辛壬癸甲乙丙丁戌己庚辛壬癸
背	八月	甲乙	丙丁	戌己庚辛壬癸甲乙辰巳午未申酉戌亥子丑寅卯

右簡面背分寫八月朔至廿九日每日所值干支沙氏考為五鳳元年依長術推之沙氏所考是也前記元康神爵二歷譜通一年為一譜橫讀之此則每月為一譜縱讀之知漢代通行歷譜之式頗不一也此簡沙書未影照今依沙氏釋文錄之

永光五年歷譜 木簡出敦四丁長二百三十一米里邁當廣三十一米里邁當

永光五年

正月乙巳朔大

五月甲辰朔小四日丁未夏至

二月乙亥朔小二日丙子春分

六月癸酉朔大八日庚辰初伏十八日庚寅中伏廿一日癸巳立秋

三月甲辰朔大十九日壬辰立夏

七月癸卯朔小八日庚戌後伏

四月甲戌朔大

八月壬申朔大八日己卯秋分

以上在簡面

九月壬寅朔小廿三日甲子立冬

口高五尺

十月辛未朔大

十一月辛丑朔小十日庚戌冬至

十二月庚午朔大十七日丙戌口廿七日丙申立春乙亥晦

以上在簡背

右譜載永光五年一歲中十二月之朔於簡兩面分書之並記四時節日於六月

記八日庚辰初伏十八庚寅中伏於七月記八日庚戌後伏攷史記秦本紀德公

二年初伏集解孟康曰六月伏日初也周時無至此乃有之正義六月三伏之節

起秦德公為之故云初伏伏者隱伏避暑也歷忌釋云伏者何以金氣伏藏之

日也四時代謝皆以相生立春木代水水生木立夏火代木木生火立冬水代金

金生水立秋以金代火故至庚日必伏故曰伏也漢書郊祀志注伏者謂陰氣將

起迫於殘陽而未得升故為藏伏因名伏日陰陽書曰從夏至後第三庚為初伏

第四庚為中伏立秋後初庚為後伏謂之三伏

引六帖

至今歷家尚繫三伏日於歷

日觀此簡則漢代已然矣又漢人最重伏日漢書東方朔傳伏日詔賜從官肉楊

惲傳歲時伏臘烹羊炮羔後漢書和帝紀永元六年己酉初令伏閉盡日注伏日

萬鬼行故盡日閉不干他事荆楚歲時記六月伏日並作湯餅名為辟惡漢代朝
野重伏如此今時則不然矣簡上三月十九日壬辰立夏攷是月甲辰朔十九日
得壬戌簡作壬辰殆繕寫之誤簡背第三行十七日丙戌下所闕當是臘字說文
冬至後三戌臘祭百神

永元六年歷譜

木簡出敦十五甲長一
百七十七米里適當

十二月火

十六日戊辰平口

七月廿七日壬午開口

一日癸丑建火口

十七日己巳平口八魁

廿八日癸未閉反支

二日甲寅除八魁

十八日庚午定反支口

廿九日甲申建口

十九日辛未執

卅日乙酉除以上在
簡面

十日癸巳執口口

十一日甲午破血忌反支

廿二日乙巳

口口日乙未危白口口口

廿三日丙口

以上在
簡背

右譜於簡面背分書之面分三列第一列十二月一日至十五日第二列十六日
至三十日第三列七月廿七日至三十日而一列三日以後二列二十日以後皆
缺損背分二列第一列閏月一日至十二日第二列起十三日至二十三日而一

列九日以上二列廿一日以上均殘缺尚有第三列當是廿四日至三十日亦在
缺處不可見矣沙畹博士定此為永元六年歷謂簡背所記是閏月攷東漢自章
帝元和二年至獻帝延康元年均用四分術依術推之是年七月為丙辰朔閏十
一月癸未朔通鑑作閏十二月癸丑朔誤十二月癸丑朔與此簡正合沙氏所考是也漢人歷

譜有紀一歲十二月中每日干支而橫讀之者有每簡記一月中每日干支而豎
讀之者有記十二月之朔於一簡而但記月朔節候不詳記每日干支者惟此歷
則雜書十二月七月閏月於一簡之面背又書七月於十二月之下凌亂無叙不
可解也每日之下紀建除並及所值神殺與今歷同惟今歷則建除接書於日下
而神殺則別書於每日行末最低處此為異耳建除之說始見史記及淮南子史
記曰者傳孝武時聚會占者七家內有建除家淮南天文訓言太歲在寅寅為建
卯為除辰為滿巳為平主生午為定未為執主陷申為破主衡酉為危主杓戌為
成主少德亥為收主大德子為開主太歲丑為閉主太陰證以陰陽書卷三十二
此書久佚茲據吾友富岡君撫藏古寫本內有一歲十二月歷式載正月建寅一日甲子金開二日乙
丑金閉三日丙寅火建四日丁卯火除五日戊辰木滿六日己巳木平七日庚午
土定八月辛未土執九日壬申金破十日癸酉金危十一日甲戌火成十二日乙

亥火收與淮南所言正合歷書曰

協紀辨方引

歷家以建除滿平定執破危成收開閉

凡十二日周而復始觀所值以定吉凶每月交節則疊兩值日其法從月建上起建與斗杓所指相應如正月建寅則寅日起建順行十二辰是也與淮南唐歷合宋寶祐四年會天歷亦分注建除十二字於每日之下直至今歷尚爾據此簡知漢歷已然矣惟依淮南及歷書之說則簡上十六日戊辰平之平當作滿繕寫之譌字也論衡難歲篇正月建於寅破於申又偶會篇正月建寅斗杓破申漢書王莽傳以戊辰直定御王冠即真天子位浞陽端氏所藏王莽銅量銘亦有戊辰直定語漢孟琰碑□□丙申月建臨卯漢龜茲左將軍劉平國作關城頌永壽四年八月甲戌朔十二日乙酉直建此建除之載在古籍及金石者此簡每日下記所值神殺有血忌反支八魁等血忌見論衡四諱篇祭祀言觸血忌又譏日篇如以殺牲見血避血忌月殺則生人食六畜亦宜避之又陰陽書日凶占法血忌忌針灸穿牛殺馬血口割六畜宋會天歷及今歷記每日所值神殺尚有血忌知由漢訖今不改也反支見漢書游俠傳張竦為賊兵所殺注引李奇曰竦知有賊當去會反支日不去因為賊所殺桓譚以為通人之蔽也又後漢書王符傳公車以反支日不受章奏注曰反支日用月朔為正戊亥朔一日反支申酉朔二日反支午